

ADRODDIAD I'R:	Pwyllgor Trwyddedu
DYDDIAD:	22 Mehefin 2022
SWYDDOG ARWEINIOL:	Pennaeth Cynllunio, Gwarchod y Cyhoedd a Gwasanaethau Cefn Gwlad
SWYDDOG CYSWLLT:	Rheolwr Busnes Diogelu'r Cyhoedd licensing@denbighshire.gov.uk 01824 706066
PWNC:	Y newyddion diweddaraf am Waith yr Adain Drwyddedu yn 2021/22

1. PWRPAS YR ADRODDIAD

1.1 I roi'r newyddion diweddaraf i Aelodau am waith y Swyddogion Trwyddedu.

2. CRYNODEB GWEITHREDOL

2.1 Mae'r adroddiad hwn yn cynnwys gwybodaeth am y gwaith mewn cysylltiad â swyddogaethau'r Adain Drwyddedu ac mae'n cynnwys trwyddedau a gyflwynwyd, cwynion a cheisiadau am wasanaeth a dderbyniwyd a gweithgareddau eraill a gwblhawyd yn 2021/22.

3. PŴER I WNEUD Y PENDERFYNIAD

3.1 Nid oes angen penderfyniad.

4. GWYBODAETH GEFNDIR

4.1 Mae'r adroddiad wedi'i dorri lawr i ddwy brif ran, sef materion gweithredol a materion rheoli.

5. PROBLEMAU A CHASGLIADAU - MATERION GWEITHREDOL

5.1 Alcohol ac Adloniant

5.1.1 Mae yna 496 eiddo trwyddedig - 101 gwerthu ar y safle; 132 gwerthu oddi ar y safle; 208 yn gwerthu ar/oddi ar y safle - a 193 sefydliad lluniaeth hwyr y nos, mae 36 ohonynt dim ond yn gwerthu diod lluniaeth hwyr y nos. Mae yna 1325 o ddeiliaid trwydded bersonol.

2.1.2 Cafwyd 37 o gwynion gan y cyhoedd mewn cysylltiad ag eiddo trwyddedig, ac roedd y mwyafrif o'r rhain yn gysylltiedig â phroblemau yn ymwneud â niwsans sŵn, ond hefyd roeddynt yn ymwneud ag ymddygiad gwrthgymdeithasol a gwerthu alcohol i bobl dan oed. Deliwyd â'r materion yma ar y cyd â'n gwasanaethau a gweithredwyd yn briodol neu fe roddwyd cyngor pan oedd angen, neu mae hynny'n parhau.

5.1.3 Yn ystod y flwyddyn, cafwyd ceisiadau ar gyfer:-

- 19 eiddo newydd
- 25 cais i drosglwyddo trwydded
- 19 cais i amrywio amodau neu fanylion y drwydded
- 66 amrywiad o Oruchwyliwr eiddo dynodedig
- 136 rybudd digwyddiad dros dro
- 42 trwydded bersonol newydd a 20 newid i fanylion trwydded bersonol

5.1.4 Mae Swyddogion Trwyddedu yn parhau i weithio ochr yn ochr â phartneriaid - Heddlu Gogledd Cymru, Swyddogion Gorfodi Mewnffurfio a thimau eraill yng Nghyngor Sir Ddinbych megis Iechyd a Diogelwch, Diogelwch Bwyd a Safonau Masnach - i gynnal ymweliadau ar y cyd lle bo angen. Un enghraifft o gydweithio yw cydymffurfio ag isafswm pris uned. Fe ymwelwyd ag oddeutu 100 eiddo, nid oedd 5% ohonynt yn cydymffurfio ar y pryd, ond cafwyd y mater ei gywiro'n foddhaol.

5.1.5 Mae Swyddogion Trwyddedu yn parhau i gyfarfod yn rheolaidd - unwaith yr wythnos fel arfer - gyda chydweithwyr o Heddlu Gogledd Cymru er mwyn canfod a delio â materion sy'n dod i'r amlwg gan ddilyn yr egwyddorion a nodir yn Natganiad Polisi Trwyddedu e.e. ymgysylltu Lefel 1/ Cynlluniau Gweithredu Lefel 2.

5.2 Trwyddedu Cerbydau Hacni a Hurio Preifat.

5.2.1 Ar hyn o bryd, mae yna

- 224 o Gerbydau cerbydau hacni - 20 o gerbydau hygyrch i gadeiriau olwyn
- 47 o gerbydau hurio preifat - 11 o gerbydau hygyrch i gadeiriau olwyn
- 16 o weithredwyr hurio preifat
- 22 o yrrwyr cerbyd hurio preifat
- 287 gyrrwr â dwy drwydded (Cerbydau Hacni a Cherbydau Hurio Preifat)

5.2.2 Cafwyd 46 cwyn yn ymwneud â thacsis yn ystod y flwyddyn ar faterion yn cynnwys camddefnyddio'r ranc tacsi, cerbyd didrwydded, parcio anghyfreithlon/ cymell hurio, codi pris rhy uchel a gyrru diofal. Cymerwyd gweithred briodol neu mae'r mater yn parhau ar lefel swyddog.

5.2.3 Yn ystod y flwyddyn, cafwyd 36 ymgeisydd newydd am drwydded i yrru cerbydau hurio preifat a cherbydau hacni. Cafodd y ceisiadau hyn eu tynnu 'nôl ar gais yr ymgeiswyr a gwrthodwyd dau gais. O ran adnewyddu ceisiadau, gwrthodwyd dau yrrwr, a chafodd apêl un gyrrwr ei wrthod yn Llys yr Ynadon. Yn ychwanegol, yn ystod y flwyddyn, cafwyd trwydded un gyrrwr ei ddiddymu ac mae'n destun apêl sy'n mynd rhagddo.

5.2.4 Yn ychwanegol i'r profion cydymffurfio arferol, cynhaliwyd gwiriadau ad hoc ar 46 cerbyd mewn amrywiaeth o leoliadau - ysgolion, ranciau tacsi ac wrth ymyl y ffordd. Roedd diffygion ar bron i hanner ohonynt (41%), er roedd y mwyafrif yn ymwneud â mân amodau nad oedd yn ymwneud â diogelwch.

5.2.5 Cyflwynodd swyddogion 13 rhybudd ysgrifenedig i yrwyr yn ystod y flwyddyn, roedd pob un yn ymwneud ag ardystiadau gyrru.

5.3 Gamblo, Hapchwarae a Loteriau

5.3.1 Mae gwaith sylweddol wedi bod ar sicrhau cywirdeb cronfeydd data ar gyfer eiddo safle gamblo. Ar hyn o bryd, mae yna:

- 5 Canolfan Gemau i Oedolion
- 3 Chanolfan Adloniant i Deuluoedd
- 3 Trwydded Safle Bingo
- 12 Siopau betio
- 1 Trwydded hapchwarae clwb
- 8 Trwydded peiriant clwb
- 8 Caniatâd Canolfan Adloniant Hapchwarae Deuluol Ddidrwydded
- 9 Caniatâd Safle Trwyddedig
- 85 Loteriau cofrestredig

5.3.2 Ni chafwyd unrhyw gŵyn mewn cysylltiad â safleoedd gamblo trwyddedig.

5.4 Masnachu ar y Stryd

5.4.1 Dim ond un cais am ganiatâd fasnachu ar y stryd a gafwyd, a chafodd hwnnw ei dynnu yn ôl.

5.4.2 Cyflwynwyd pedwar cwyn oedd yn ymwneud ag arferion masnachu ar y stryd, mae pob un wedi cael eu datrys.

5.4.3 Cafodd yr Aelodau wybod y bydd arferion presennol ar gyfer unrhyw geisiadau newydd yn parhau hyd nes y bydd polisi wedi cael ei benderfynu a'i gymeradwyo drwy'r pwyllgor hwn. Felly, bydd yn cael ei lunio a'i gyflwyno gan swyddogion maes o law.

5.5 Casgliadau elusenol

5.5.1 Bu:

- 17 caniatâd am gasgliadau o dŷ i dŷ
- 10 caniatâd am gasgliadau ar y stryd.

5.5.2 Cafwyd un cwyn mewn cysylltiad â chasgliadau stryd elusenol wedi'u rheoleiddio, ac ni chymerwyd gweithred ychwanegol.

5.6 Metel Sgrap

5.6.1 Ni chafwyd unrhyw geisiadau yn y flwyddyn hon am safleoedd na chasglwyr metel sgrap. Serch hynny, dylid nodi bod cymeradwyaeth yn para am 3 blynedd, ac ni fyddant yn cael eu cymeradwyo am flwyddyn arall.

5.6.2 Cafwyd tri chwyn mewn cysylltiad â phroblemau metel sgrap, roedd pob un yn ymwneud â gweithgarwch didrwydded posibl ac mae'r mater yn parhau.

5.7 Ceisiadau Gwasanaeth / Rhyddid Gwybodaeth

5.7.1 Yn ystod y flwyddyn bu:

- 314 cais gwasanaeth a gofnodwyd ar draws ystod o swyddogaethau a gynhaliwyd gan y Tîm Trwyddedu lle gofynnwyd am wybodaeth neu gyngor ac ati a rhoddwyd y cyngor hwnnw, a
- Derbyniwyd 20 cais Rhyddid Gwybodaeth, yn ymwneud ag amrywiaeth o faterion, a rhoddwyd ymateb priodol

5.8 Gwaith yn ymwneud â Covid

5.8.1 Gan ymateb i'r pandemig, roedd cyfyngiadau'n newid yn aml a chyson. Bu Swyddogion Trwyddedu yn helpu o'r cychwyn yn sicrhau bod busnesau yn cydymffurfio ac yn gallu gweithredu a pharhau i roi cyngor ac arweiniad wrth i'r wlad symud allan o'r pandemig. Yn ystod y flwyddyn, fe ymatebodd swyddogion i bron i 100 o faterion yn ymwneud â Covid.

5.9 Canlyniadau cyffredinol llwyth gwaith

5.9.1 Yn ystod y flwyddyn bu:

- 75 archwiliad, yn bennaf yn ymwneud â cherbydau a safleoedd trwyddedig, a
- Dros 5,000 o ryngweithiadau gyda Swyddogion Trwyddedu yn cynnwys y rhai'n gysylltiedig ag archwiliadau a chwynion yn ogystal â rhyngweithiadau eraill gyda busnesau a'r cyhoedd, e.e. galwadau ffôn, llythyron, rhybuddion ac ati.

5.10 Cyfathrebu

5.10.1 Cyfathrebu aml, uniongyrchol (yn bennaf trwy gyfrwng e-bost) gyda thrwyddedai. Mae Swyddogion Trwyddedu yn parhau i gyhoeddi newyddlenni cyfnodol i'r diwydiant tacsï'n lleol.

5.10.2 Mae cyfrifon cyfryngau cymdeithasol wedi gweld nifer o negeseuon rhagweithiol yn cael eu postio trwy gydol y flwyddyn.

6. **MATERION RHEOLI**

6.1 Polisiâu

6.1.1 Mae nifer o adolygiadau polisi wedi'u cychwyn yn ystod y flwyddyn, y rhai mwyaf nodedig yw'r rhai sy'n ymwneud â thacsis yn ogystal â masnachu ar y stryd a Datganiad Polisi Trwyddedu. Mae Swyddogion wedi llunio Cynllun Gwaith i'r Dyfodol diwygiedig a bydd yn parhau i ddiweddarau Aelodau am hynny ym mhob gwrandawriad pwyllgor.

6.2 Ffioedd

- 6.2.1 Ar adeg ysgrifennu, nid yw'r ffioedd a thaliadau ar gyfer gweinyddu trwyddedu tacsis wedi newid er bydd adolygiad yn cael ei gynnal yn 2022.

6.3 Cwynion yn erbyn gwasanaeth

- 6.3.1 Bu un cwyn ffurfiol yn erbyn y gwasanaeth yn y cyfnod adrodd hwn. Roedd y mater yn ymwneud â phroses gwneud penderfyniadau ar gyfer trwyddedu tacsis a darparwyd ymateb priodol.

6.4 Ystyriaethau llwyth gwaith ychwanegol yn y dyfodol

- 6.4.1 Fel nifer o flynyddoedd, mae Llywodraeth Cymru yn adolygu'r modd y mae trefn trwyddedu tacsis yn cael ei reoleiddio a'i weinyddu. Mae gwaith sylweddol eisoes wedi digwydd i ddod â pholisi'r Cyngor yn unol â meddylfryd LIC a bydd y gwaith polisi yma'n parhau trwy gydol y flwyddyn.
- 6.4.2 Bydd Aelodau'n ymwybodol o nod y Cyngor - a Llywodraeth Cymru i gyflawni allyriadau net sero. Rhagwelir y gallai Trwyddedu chwarae rhan yn y weledigaeth honno trwy ei brosesau ar gyfer trwyddedu tacsis. Efallai yr hoffai aelodau a swyddogion ddechrau nodi pa gymhelliant a fyddai'n annog trwyddedai'n lleol er mwyn gallu cyrraedd y nod.
- 6.4.3 Mae swyddogion yn edrych ar gyfleoedd pellach i alluogi proses fwy effeithlon i ymgeiswyr ar gyfer amrywiaeth o drwyddedau a gyflwynir. Mae hyn yn cynnwys datblygiad pellach o gronfa ddata i alluogi ceisiadau ar-lein a chofrestru cyhoeddus a'r potensial i gyflwyno "Prawf Gwybodaeth" electronig i ymgeiswyr gyrwyr tacsu newydd.
- 6.4.4 Mae swyddogion yn trefnu digwyddiad hyfforddiant i Aelodau'r Pwyllgor Trwyddedu tuag at ddiwedd y flwyddyn. Yn ychwanegol i gefnogi datblygiad parhaus Aelodau, gall Swyddogion fodloni unrhyw geisiadau gan Aelodau'r Pwyllgor sydd â diddordeb cysgodi Swyddogion gyda'u dyletswyddau.

7. **ARGYMHELLION**

- 7.1 Bod y Pwyllgor:
- yn nodi adroddiad gweithgaredd ar gyfer eleni, a
 - nodi a rhoi sylw am gynnwys yr adroddiad.